

U skladu sa članom 43. Zakona o sportu Zeničko dobojskog kantona („Službene novine Zeničko-dobojskog kantona“, broj 6/17 -Prečišćeni tekst), člana 11., 34. i 117. Statuta Grada Zenica („Službene novine Grada Zenica“, broj: 05/15), Pravilnika o kriterijima i postupku raspodjele sredstava za sport broj: 02-45-3800/24-1 od 21.02.2025. godine, Smjernica o minimalnim standardima dodjele budžetskih sredstava putem transfera i subvencija u FBiH (Službene novine FBiH br. 37/24) i Budžeta Grada Zenica za 2025.godinu (Službene novine Grada Zenica 2/25) Grad Zenica putem Službe za socijalnu zaštitu, stambene poslove i društvene djelatnosti, raspisuje:

JAVNI POZIV

za raspodjelu sredstava za sport iz Budžeta Grada Zenica za 2025. godinu

I

Raspisuje se Javni poziv za dostavljanje prijava za dodjelu sredstava za sport iz Budžeta Grada Zenice za 2025. godinu, sa pozicije „Tekući transferi za sport“ u ukupnom iznosu od 1.000.000,00 KM.

O postupku provođenja javnog poziva i izrade Programa raspodjele sredstava za sport za 2025.godinu odlučivat će Komisija za sport koju imenuje Gradonačelnik.

II

1. Nosioci sportskih aktivnosti mogu podnijeti prijavu ako ispunjavaju sljedeće uslove:

- a) da imaju sjedište na području grada Zenice;
- b) da su registrovani u skladu sa Zakonom prije 31.12.2023. godine;
- c) da su u protekloj godini nastupali na zvaničnim takmičenjima krovnog saveza;
- d) da se protiv podnosioca prijave, odnosno lica ovlaštenih za zastupanje i voditelja programa ili projekta, ne vodi krivični postupak i nije pravosnažno osuđen za prekršaj ili počinjenje krivičnog djela.

2. Nosioci sportskih aktivnosti su:

- a) sportski klubovi;
- b) sportska društva;
- c) sportski savezi;
- d) sportski klubovi i sportska udruženja lica sa invaliditetom;
- e) druga pravna lica koja obavljaju djelatnost iz područja tjelesnog odgoja ili sporta.

III

Pravo na dodjelu sredstava imaju nosioci sportskih aktivnosti iz tačke II. Javnog poziva čije se aktivnosti, odnosno programi odnose na:

- a) učešće ekipa na zvaničnim takmičenjima po propozicijama i sistemima takmičenja koje utvrđuju i provode odgovarajući sportski savezi na području Grada Zenice, Kantona (kantonalna takmičenja), na prostoru Federacije BiH (federalna takmičenja) ili na prostoru BiH (državna takmičenja), kao i na području više država (regionalna, odnosno međunarodna takmičenja), dok su u sistemu takmičenja;
- b) sportske aktivnosti i takmičenja za lica sa invaliditetom;
- c) sportske manifestacije međunarodnog, državnog ili federalnog nivoa koja će biti održane na području Zenice tokom 2025. godine (tradicionalni, memorijalni, kvalifikacijski turniri, mitinzi, prvenstva, kup takmičenja i sl.);
- d) predškolska, školska, i studentska takmičenja.

IV

Sportski klubovi i druge organizacije koje podnose prijavu za dodjelu sredstava u vezi sa odgovarajućim aktivnostima iz tačke III. obavezni su dostaviti sljedeću dokumentaciju:

1. Ispravno popunjen i od strane podnosioca prijave ovjeren odgovarajući prijavni obrazac; (prijavni obrazac br. 1, prijavni obrazac br. 1A, prijavni obrazac br. 2.)
Obrasci se mogu preuzeti na web stranici www.zenica.ba.
2. Izvod iz Registra udruženja koji nije stariji od tri mjeseca – kopija ;
3. Bilans stanja i bilans uspjeha – kopija ;
4. Potvrdu Sportskog saveza Grada o članstvu - original;
5. Potvrdu krovnog saveza kao dokaz ostvarenih rezultata na zvaničnim takmičenjima lige u kojoj nastupaju (za sve selekcije) – original ;
6. Dokaz da imaju uposlena ili angažovana stručna lica osposobljena za rad u sportu u skladu sa članom 6. Zakona o sportu Zeničko-dobojskog kantona -kopija;
7. Potvrdu iz banke o otvorenom tekućem računu za sportski kolektiv – originala/ovjerena kopija;
8. Dokaz da se protiv podnosioca prijave, odnosno lica ovlaštenih za zastupanje i voditelja programa ili projekta, ne vodi krivični postupak i nije pravosnažno osuđen za prekršaj ili počinjenje krivičnog djela – original/ovjerena kopija

V

Prijave u bilo kojoj drugoj formi osim u formi navedene u Javnom pozivu, kao i prijave programa koji ne spadaju u aktivnosti navedene u članu III Javnog poziva neće se uzimati u razmatranje.

VI

Prijave klubova, drugih organizacija koji su bili uvršteni u Program utroška sredstava za sport u 2024. godini, a koji nisu podnijeli izvještaj o namjenskom utrošku dodjeljenih sredstava neće se uzeti u razmatranje za dodjelu sredstava u 2025. godini.

VII

Javni poziv ostaje otvoren 15 dana od dana objavljivanja.

Prijave na Javni poziv sa potrebnom dokumentacijom u zatvorenoj koverti sa obaveznom naznakom „ Javni poziv za raspodjelu sredstava za sport iz Budžeta Grada Zenice – Tekući transferi za sport za 2025. godinu“ dostaviti neposredno na protokol Grada Zenica ili slati putem pošte na adresu:

Grad Zenica, Služba za socijalnu zaštitu, stambene poslove i društvene djelatnosti, Komisija
za sport
Trg BiH br. 6, 72000 Zenica

Nepotpune i neblagovremene prijave neće se uzeti u razmatranje.

Broj: 02-45-5240/25
Zenica, 06.03.2025.godine

